



Desember 2021

HVATARBLADIÐ

*Grímsnes- og Grafningshreppur
óskar iðúum sínum og gestum*



*Gledilegra jóla og
farsældar á nýju ári*



Jólapistill

Kæru sveitungar og aðrir,
Senn líður að jólum og nú þegar er fyrsti sunnudagur í aðventu gengin í garð, með öllum sínum ljósum sem lýsa upp skammdegið. Jólin og ekki síst aðventan er mismunandi hjá fólki og ber okkur að bera virðingu fyrir ólíkum hefðum náungans. Það sem telst hefð hjá einum er ekki endilega hefð hjá öðrum og allir hafa rétt á að hafa sína hentisemi með það. Það er mikilvægt að setja sig í spor náungans, bæði hvað varðar hefðir og líðan, þú veist nefnilega aldrei hvað viðkomandi er að ganga í gegnum og því á ekki að sýna óvirðingu. Sýndu heldur vinarþel og kærleika og þá mun þér og öðrum að öllum líkindum líða betur.

Þar sem nýtt ár nálgast þá er við hæfi að líta yfir farinn veg og horfa til framtíðar. Þetta ár líkt og það síðasta hefur verið Íslendingum og öllum heiminum hálfgerð rússíbanareid vegna kórónuveirunnar. Í jólapistlinum mínum í fyrra minntist ég líka á veiruna sem setti heimsbyggðina á hliðina og gerir enn. Við þurfum væntanlega að fara að lifa með þessari veiru sem þrátt fyrir að hafa valdið ýmsum vandkvæðum hefur þó kennt okkur svo margt, margir eru farnir að hugsa öðruvísi og njóta lífsins á annan hátt. Við hlökkum örugglega flest ef ekki öll til þess þegar lífið fer að ganga tiltölulega eðlilega fyrir sig, eflaust þó með ýmsum breytingum en vonandi mest til hins betra.

Samfélagið okkar hefur að mestu leyti sloppið við miklar truflanir á þessu ári, það hafa samt orðið nokkrar takmarkanir en starfsfólk sveitarfélagsins hefur tekist á við það af miklu jafnvægi og vil ég hér með færa þeim þakkið fyrir hönd sveitarstjórnar fyrir þá vinnu sem þau hafa lagt fram. Jafnframt eiga börnin og ungmennin í samfélaginu okkar hrós skilið fyrir mikið jafnaðargeð síðustu tvö ár í þessu skrítna umhverfi sem skóli og félagslíf hefur þurft að búa við.

Starf sveitarstjórnar og starfsemi sveitarfélagsins hefur þó gengið nokkuð snuðrulaust fyrir sig og hefur árið farið að miklu leyti í að klára aðalskipulag sveitarfélagsins, deiliskipuleggja þéttbýlið á Borg, setja á laggirnar nýja yndisskóginn, klára að setja upp grenndarstöðvar sem nú má finna á 10 stöðum í sveitarfélaginu og margt annað.

Framundan er síðan nýtt ár með nýjum tækifærum og nýjum verkefnum. Næsta ár er jafnframt kosningarár þar sem E-listinn stefnir á að bjóða fram aftur og verður það kynnt nánar á næstu mánuðum. Síðustu fjögur ár hafa liðið mjög hratt og að mínu mati verið bæði mjög skemmtileg og lærdómsrík.

Þrátt fyrir að næstu vikur geti verið erilsamur tími, þar sem klára þarf að skreyta fyrir jólin, undirbúa jólagjafir og margt fleira þá skulum við muna að lífið er núna, gleymum ekki að njóta samvista með fólkinu okkar og búa til minningar bæði um hátíðirnar og í annan tíma.

Ég vil þakka öllu samstarfsfólki mínu hjá sveitarfélaginu fyrir gott samstarf á árinu og óska öllum sveitungum mínum og velunnurum Grímsnes- og Grafningsshrepps gleðilegra jóla og farsældar á komandi ári.

Ása Valdís Árnadóttir, oddviti



515. fundur sveitarstjórnar Grímsnes- og Grafningsshrepps var haldinn í stjórnsýsluhúsinu Borg, miðvikudaginn 3. nóvember 2021 kl. 09.00 til 11:30

Fundinn sátu:

Ása Valdís Árnadóttir
Björn Kristinn Pálmarsson
Smári Bergmann Kolbeinsson
Ingibjörg Harðardóttir
Ragnheiður Eggertsdóttir í fjarveru Bjarna Þorkelssonar

Fundargerðin var færð í tölvu og hana ritaði Ingibjörg Harðardóttir.

1. Fundargerðir.

a) Fundargerð 95. fundar fræðslunefndar Grímsnes- og Grafningsshrepps, 19. október 2021.

Fundargerðin lögð fram til kynningar.

b) Fundargerð 226. fundar Skipulagsnefndar Uppsveita, 27. október 2021.

Mál nr. 13, 14, 15, 16, 17, 18, 19, 20, 21 og 27 þarfnast staðfestingar sveitarstjórnar.

Lögð fram 225. fundargerð Skipulagsnefndar Uppsveita, dagsett 13. október 2021. Eftirfarandi dagskrárliðir þarfnast afgreiðslu sveitarstjórnar;

Mál nr. 13: Minni-Bær land L169227; Fyrirspurn - (2110032).

Lagt er fram erindi frá Oddi Þorbergi Hermannssyni í þremur liðum í samræmi við meðfylgjandi gögn. Í erindinu felst beiðni um nafnabreytingu, breytingu á aðalskipulagi og gerð deiliskipulags sem tekur til Minni-Bæjar lands L169227.

Sveitarstjórn vísar aðalskipulagsbreytingunni til endurskoðunar aðalskipulagsins og tekur jákvætt í nafnabreytinguna og að unnið verði deiliskipulag fyrir landið.

Mál nr. 14: Kringla II; Árvegur 23-45; Sameining lóða; Deiliskipulagsbreyting - (2108091).

Lögð er fram beiðni um endurupptöku máls er varðar breytingu á deiliskipulagi Kringlu II vegna Árvegar 23-45. Umsótt breyting á deiliskipulagi svæðisins snýr að sameiningu lóða við Árveg númer 23, 25, 27, 29, 31, 33, 35, 37, 39, 41, 43 og 45 í tvær lóðir sem yrðu númer 23 og 25. Sveitarstjórn synjaði beiðni um breytinguna á fundi sínum þann 15. september 2021. Í beiðni um endurupptöku máls er vísað til þess að fækkun húsa á svæðinu verði til þess að eldhætta og umferð innan svæðisins minnki til framtíðar auk þess sem fækkun lóða á þessu svæði sé gott mótvægi við fjölgun lóða á aðliggjandi skipulagssvæði. Umsækjandi bendir á að lóðir númer 1-12 við Árveg sem aðliggjandi skipulagssvæði séu allar í kringum 5 ha. Einnig er bent á að syðstu lóðirnar séu mjög blautar og því erfitt að selja þær nema sem hluta af stærra landi.

Í fyrri bókun sveitarstjórnar vegna málsins kom fram að sveitarstjórn teldi að lóðir innan frístundasvæða ættu að jafnaði vera á bilinu 5.000 - 10.000 fm. Sveitarstjórn taldi jafnframt að framlögð sameining 12 lóða innan svæðisins í tvær 49.678,5 fm lóðir samræmdist illa núverandi byggðarmynstri svæðisins þar sem allar lóðir innan skipulagssvæðisins væru á bilinu 6.600 fm - 8.100 fm. Sveitarstjórn telur rök er varðar eldhættu eiga illa við þar sem landið er lítið skógi vaxið og til stendur að útbúa góðar flóttaleiðir frá aðliggjandi svæði um land Kringlu 2. Umsækjandi vísar til aðliggjandi skipulagssvæðis við Árveg 1-12. Sveitarstjórn telur það ekki rök í málinu þar sem um annað deiliskipulagssvæði er að ræða. Sveitarstjórn samþykkir samhljóða að umsókn um sameiningu lóða verði synjað.

Mál nr. 15: Norðurkot; Sogsvegur 18C og 18B; Deiliskipulagsbreyting - (2110010).

Lögð er fram deiliskipulagsbreyting vegna Sogsvegar 18C og 18B eftir grenndarkynningu. Athugasemdir bárust á grenndarkynningartíma og eru þær lagðar fram við afgreiðslu málsins ásamt andsvörum málsaðila. Athugasemdir sem bárust vegna málsins og svör eru eftirfarandi:

1. Engin bílastæði eða skilgreind aðkoma er inn á viðkomandi lóðarhluta á meðfylgjandi lóðablaði og væri eðlileg staðsetning við L4 og L17.

Svar: Á deiliskipulagsupphætti sem tók gildi 5.2.2021 eru bílastæði og aðkomur að lóðum ekki sérstaklega skilgreind. Að mati sveitarstjórnar er ekki ástæða til að skilgreina sérstaklega bílastæði eða aðkomu fyrir viðkomandi lóðir sem breytingin tekur til umfram aðrar lóðir innan skipulagssvæðisins. Sveitarstjórn bendir á að lóðarhafar geti afmarkað sínar lóðir með fullnægjandi hætti.

2. Gæta þarf þess að Sogsvegur 18 vegsvæði L231607 sé uppfært og þinglýst með tilliti til skiptingar á lóð og samningur um nýtingu, viðhald og afnot sé virt.

Svar: Í samræmi við framlagðan texta er afmörkuð lóð um veg innan svæðisins og telst hann vera í óskiptri sameign allra lóða innan svæðisins enda tryggi hann sameiginlega aðkomu allra að landinu. Að mati sveitarstjórnar verður engin breyting á því þótt svo að heimilt verði að stofna sér lóð út úr viðkomandi lóðarhluta.

3. Eigendur að Sogsvegi 18c hafa sýnt algeran yfirgang og tillitsleysi með því að nota grasflöt neðan við bústað sem heimkeyrslu að bústað sínum. Viðkomandi grasflötur er orðinn talsvert skemmdur og nýtist ekki sem leikvöllur.

Svar: Vísað er til svars við athugasemd í lið 1.

Í breytingunni felst að lóðir innan svæðisins verða 8 í stað 7 áður með skiptingu lóðar 18C í tvo hluta, annarsvegar 18B og hins vegar 18C. Sveitarstjórn samþykkir samhljóða deiliskipulagsbreytingu eftir grenndarkynningu. Breytingin taki gildi með birtingu auglýsingar í B-deild Stjórnartíðinda og Skipulagsstofnun verði send gögn málsins til varðveislu.

Mál nr. 16: Almenningsholt (L221920); umsókn um byggingarleyfi; aðstöðuhús - (2110035).

Fyrir liggur umsókn Bent L. Fróðasonar fyrir hönd Þorsteins G. Jóhannssonar, móttækin 11.10.2021, um byggingarleyfi til að byggja 38,4 m² aðstöðuhús á landinu Almenningsholt L221920 í Grímsnes- og Grafningshreppi. Sveitarstjórn samþykkir samhljóða að málið fái málsmeðferð á grundvelli 44. gr. skipulagslaga nr. 123/2010. Þar sem engir aðrir hagsmunaaðilar eru innan svæðisins en umsækjandi er ekki talin þörf á grenndarkynningu.

Mál nr. 17: Oddsholt 34 (L202637); umsókn um byggingarleyfi; gesta- og geymsluhús - (2110036).

Fyrir liggur umsókn Fjólu Höskuldsdóttur, móttekin 12.10.2021, um byggingarleyfi til að byggja 35,8 m² gesta- og geymsluhús á sumarbústaðalandinu Oddsholt 34 L202637 í Grímsnes- og Grafningshreppi.

Sveitarstjórn samþykkir samhljóða að málið fái málsmeðferð á grundvelli 44. gr. skipulagslaga nr. 123/2010 með fyrirvara um niðurstöðu grenndarkynningar. Berist engar athugasemdir vegna grenndarkynningar skal málinu vísað til afgreiðslu byggingarfulltrúa. Sveitarstjórn mælist til þess að skilmálar deiliskipulags að Oddsholti verði uppfærðir m.t.t. byggingaskilmála innan svæðisins.

Mál nr. 18: Stangarhylur L210787;

Aðalskipulagsbreyting - (2110060).

Lögð er fram umsókn frá Magnúsi Ingberg Jónssyni er varðar breytingu á aðalskipulagi Grímsnes- og Grafningshrepps. Í umsókninni felst að skilgreint verði iðnaðarsvæði og verslunar- og þjónustusvæði á námusvæði E22a á lóð Stangarhyla L210787.

Sveitarstjórn frestar afgreiðslu málsins og óskar eftir frekari og ítarlegri gögnum.

Mál nr. 19: Vaðnes. 3.áfangi; Mosabraut 27; Ný lóðamörk og breyting á leik- og útivistarsvæði; Deiliskipulagsbreyting - (2107004).

Lögð er fram breyting á deiliskipulagi Vaðness, 3. áfanga, eftir auglýsingu og kynningu. Í breytingunni felst breytt lega lóðar Mosabrautar 27 og breyting á leik- og útivistarsvæði þar sem gert er ráð fyrir skilgreiningu nýrrar lóðar á hluta svæðisins. Athugasemdir og umsagnir bárust á auglýsingatíma skipulagsins og eru þær lagðar fram við afgreiðslu málsins.

Flestar athugasemdir sem bárust vegna málsins snúa að skerðingu leik- og útivistarsvæðis. Þótt svo að flestar athugasemdir hafi borist frá lóðarhöfum sem hafa ekki grenndaráhrif af breytingunni telur sveitarstjórn að athugasemd lóðarhafa aðliggjandi lóðar við Mosabraut vega þungt við ákvörðun um synjun á deiliskipulagsbreytingu eftir auglýsingu. Að mati sveitarstjórnar ætti sá hluti breytinganna er varðar breytta legu Mosabrautar 27 ekki að hafa veruleg neikvæð áhrif á

lóðarhafa innan svæðisins þar sem sú lóð er nú þegar skilgreind innan gildandi deiliskipulags á svæðinu en þarf að aðlagða landslagi og legu vegar innan deiliskipulagssvæðisins.

Sveitarstjórn telur að umrædd skipulagsbreyting sem tekur til Vaðness, 3. áfanga, geti ekki tekið gildi í óbreyttri mynd sökum mikillar andstöðu lóðarhafa innan skipulagssvæðisins við framlagðar breytingar. Sveitarstjórn samþykkir samhljóða að gildistöku skipulagsbreytingar eftir auglýsingu verði synjað og mælist sveitarstjórn til þess við umsækjanda að lagður verði fram uppfærður uppdráttur til skipulagsnefndar sem tekur til breytingar er varðar Mosabraut 27.

Mál nr. 20: Neðan-Sogsvegur 61 L169338, Norðurkot, Skipting lóðar, Deiliskipulagsbreyting - (2010091).

Lögð er fram beiðni um undanþágu er varðar fjarlægð frá vegi á lóðum Sogsvegur 61, 61A og 61B. Unnið er að deiliskipulagsbreytingu vegna lóðanna.

Sveitarstjórn gerir ekki athugasemd við undanþágu er varðar fjarlægð frá vegi í samræmi við framlagða beiðni verði samþykkt. Sveitarstjórn mælist til þess að umsækjandi óski eftir heimild Umhverfis- og auðlindaráðuneytisins fyrir undanþágu á grundvelli 45. gr. skipulagslaga nr. 123/2010 lið 12. vegna takmarkanna skipulagsreglugerðar nr. 90/2013 lið. d gr. 5.3.2.5 er varðar fjarlægð frá vegum. Svæðið er bundið af takmörkunum vegna fjarlægðar frá Sogsvegi (100 m) og fjarlægðar frá vatni (50 m). Við það bætast náttúrulegar takmarkanir innan lóða þar sem hraungjá takmarkar verulega byggingarmöguleika innan lóðanna. Skipulagsfulltrúa falið að aðstoða umsækjanda við umsókn um undanþágu til ráðuneytisins.

Mál nr. 21: Illagil - Umsókn um skipulagsmál - (2110086).

Lögð er fram umsókn frá Ágústi Sverri Egilssyni og Soffíu Guðrúnu Jónasdóttur er varðar skilmálabreytingar fyrir lóðirnar Illagil 17 og Illagil 19.

Sveitarstjórn leggur til að eftirfarandi breytingar verði gerðar á skilmálum deiliskipulagsins.

Núverandi skilmálar varðandi byggingarmagn:

Byggingarmagn lóða miðast við nýtingarhlutfallið 0,03 (3% af flatarmáli lóðar, þar af mega aukahús vera allt að 40 fm. Þeir skulu ekki stærri en 150 fm.)

Skilmálar eftir breytingu er varðar byggingarmagn á lóðum: Byggingarmagn lóða miðast við nýtingarhlutfallið 0,03. Þar af mega aukahús vera allt að 40 fm.

Núverandi skilmálar er varðar mænis- og vegghæð: Mænishæð frá jörðu skal ekki vera meiri en 6 m og hámarks vegghæð skal eki vera meiri en 3.8 m. Heimilt er að hafa svefnloft og kjallara undir húsum þar sem aðstæður leyfa.

Skilmálar eftir breytingu er varðar mænis- og vegghæð: Mænishæð frá jörðu skal ekki vera meiri en 6.8 m. Heimilt er að hafa svefnloft og kjallara undir húsum þar sem aðstæður leyfa en þó innan hámarks nýtingarhlutfalls lóðar.

Sveitarstjórn samþykkir samhljóða að unnin verði skilmálabreyting sem tekur til byggingarheimilda innan svæðisins. Sveitarstjórn mælist til þess að skilmálabreytingin taki til svæðisins í heild og verði kynnt sérstaklega fyrir sumarhúsafélagi svæðisins sé það til staðar. Að öðrum kosti verði öllum lóðarhöfum innan skipulagssvæðisins kynntar tillögur skilmálabreytingar.

Mál nr. 27: Afgreiðslur byggingarfulltrúa – 21-151.

Lagðar fram til kynningar afgreiðslur byggingarfulltrúa frá 20. október 2021.

C) Fundargerð 90. fundar stjórnar Umhverfis- og tæknisviðs Uppsveita, 13. október 2021.

Mál nr. 1 þarfnast staðfestingar sveitarstjórnar.

Lögð fram 90. fundargerð stjórnar Umhverfis- og tæknisviðs Uppsveita, dagsett 13. október 2021. Eftirfarandi dagskrárliður þarfnast staðfestingar sveitarstjórnar;

Mál nr. 1: Fjárhagsáætlun UTU bs. fyrir árið 2022.

Fyrir liggja drög að fjárhagsáætlun embættisins fyrir árið 2022. Við gerð hennar var stuðst við ársreikning ársins 2020, fjárhagsáætlun ársins 2021 auk upplýsinga úr bókhaldi embættisins fyrstu 9 mánuði ársins 2021.

Áætlunin gerir ráð fyrir að kostnaður embættisins árið

2022 verði alls 174.957.234 kr. sem skiptist niður á aðildarsveitarfélögin samkvæmt samþykktum hlutföllum. Alls er gert ráð fyrir að kostnaður við rekstur embættisins hækki um 3,2% frá árinu 2021.

Fjárhagsáætlunin tekur tillit til kjarasamningsbundinna launahækkana sem og vísitöluhækkunar launa. Samtals er gert ráð fyrir að laun og launatengd gjöld hækki um 5,2% milli ára.

Gert er ráð fyrir að embættið flytjist í nýtt húsnæði innan Laugarvatns síðla árs 2022 og er áætlaður sérstakur kostnaður vegna þess 2,5 mkr. Einnig er gert ráð fyrir að ein bifreið embættisins verði endurnýjuð síðari hluta ársins þar sem lagðar verði út 2,5 mkr. auk söluandvirðis bifreiðarinnar upp í nýja bifreið.

Framlag Grímsnes- og Grafningshrepps árið 2022 verður samkvæmt fjárhagsáætluninni kr. 55.986.315.

Sveitarstjórn samþykkir samhljóða fjárhagsáætlunina og gert verður ráð fyrir hlut sveitarfélagsins í fjárhagsáætlun næsta árs.

d) Fundargerð 91. fundar stjórnar Umhverfis- og tæknisviðs Uppsveita, 27. október 2021.

Mál nr. 1 þarfnast staðfestingar sveitarstjórnar.

Lögð fram 91. fundargerð stjórnar Umhverfis- og tæknisviðs Uppsveita, dagsett 27. október 2021. Eftirfarandi dagskrárliður þarfnast staðfestingar sveitarstjórnar;

Mál nr. 1: Breytingar á samþykktum UTU bs. - framhaldið.

Breytingar á samþykktum UTU bs. lagðar fram til fyrri umræðu. Sveitarstjórn vísar málinu til seinni umræðu.

e) Fundargerð nefndar oddvita / sveitarstjóra í yfirstjórn velferðarmála í Árnesþingi, 13. október 2021.

Fundargerðin lögð fram til kynningar.

f) Fundargerð 47. fundar stjórnar Samtaka orkusveitarfélaga, 8. október 2021.

Fundargerðin lögð fram til kynningar.

g) Fundargerð fundar um endurskoðun fjallskilasamþykktar fyrir Árnessýslu austan vatna, 13. október 2021.

- 2. Námuúttekt í Grímsnes- og Grafningshreppi.**
 Tekin fyrir að nýju tilboð vegna kortlagningar á námum í sveitarfélaginu. Tilboð bárust frá verkfræðistofunum Mannvit, Verkis og Eflu. Málinu var frestað á fundi sveitarstjórnar þann 20. október s.l. og óskað eftir frekari gögnum. Mannvit hafði ekki tök á að skila frekari gögnum innan tímarammans sem gefinn var. Tilboð Eflu hljóðaði upp á 2.905.000 kr. og tilboð Verkis hljóðaði upp á 2.106.000 kr.
 Sveitarstjórn samþykkir samhljóða að taka lægsta tilboði, frá Verkis. Sveitarstjóra / oddvita falið að skrifa undir samninginn.
- 3. Bréf frá Íþróttafélagi Uppsveita vegna aðstöðumála í sveitarfélögunum.**
 Fyrir liggur bréf frá stjórn Íþróttafélags Uppsveita (ÍBU), dags. 17. október 2021, þar sem gerð er grein fyrir stöðu mála varðandi aðstöðu til knattspyrnuíðkunar í sveitarfélögunum í Uppsveitum Árnessýslu. Núverandi stefna er að nota Flúðavöll sem heimavöll meistaraflokks karla, Reykholtsvöll sem miðstöð yngri flokka, og Árnesvöll sem varavöll. Lagt er til að sveitarfélögin standi saman að uppbyggingu og viðhaldi þessara valla.
 Þá óskar félagið eftir aðgangi að líkamsræktaraðstöðu íþróttamiðstöðva sveitarfélaganna, ásamt afnotum af félagsheimilum, árlegum styrkjum og verkefnum gegn greiðslu.
 Guðrúnu Ásu Kristleifsdóttur heilsu- og tómstundafulltrúa falið að vinna málið áfram, m.a. ræða við Gunnar Gunnarson starfsmann hinna sveitarfélaganna í Uppsveitum og stjórn ÍBU.
- 4. Úrskurður nr. 91/2021 frá Úrskurðarnefnd umhverfis- og auðlindamála.**
 Fyrir liggur úrskurður frá Úrskurðarnefnd umhverfis- og auðlindamála í máli nr. 91/2021, þar sem kærð var ákvörðun sveitarstjórnar Grímsnes- og Grafningshrepps frá 21. apríl 2021 um að samþykkja breytingu á deiliskipulagi Kiðjabergs. Niðurstaða nefndarinnar er að kröfu kæranda um ógildingu ákvörðunar sveitarstjórnar Grímsnes- og Grafningshrepps er hafnað.
 Lagt fram til kynningar.

- 5. Ársreikningur Hestamannafélagsins Trausta fyrir árið 2020.**
 Fyrir liggur ársreikningur Hestamannafélagsins Trausta fyrir árið 2020.
 Ársreikningurinn lagður fram til kynningar.
- 6. Ársreikningur Samtaka orkusveitarfélaga fyrir árið 2020.**
 Fyrir liggur ársreikningur Samtaka orkusveitarfélaga fyrir árið 2020.
 Ársreikningurinn lagður fram til kynningar.

LAUGARÁS



**Heilsugæslustöð
 Laugarás, 801 Selfoss
 Sími: 432 2770**

Healthcenter Laugarási, tel: +354 432 2770.

**Öll vottorð og aðrar heilsufarsupplýsingar verða eingöngu afhent úr móttöku gegn framvísun skilríkja, einnig gegn útfylltu umboði (sjá neðar) ef annar en einstaklingur sjálfur sækir gögnin.
 Hertar reglur varðandi Covid**

**SÍMI VAKTÞJÓNUSTU LÆKNA OG
 HJÚKRUNARFRÆÐINGA Á HSU ER 1700
 Í NEYÐARTILVIKUM HRINGIÐ Í 112**

516. fundur sveitarstjórnar Grímsnes- og Grafningshrepps var haldinn í stjórnsýsluhúsinu Borg, miðvikudaginn 17. nóvember 2021 kl. 15:00 til 16:20

Fundinn sátu:

Björn Kristinn Pálmarsson
Steinar Sigurjónsson í fjarveru Ásu Valdísar Árnadóttur
Smári Bergmann Kolbeinsson
Ingibjörg Harðardóttir
Ragnheiður Eggertsdóttir í fjarveru Bjarna Þorkelssonar

Fundargerðin var færð í tölvu og hana ritaði Ingibjörg Harðardóttir.

Varaoddviti leitar afbrigða.

Samþykkt samhljóða

- a) Skipulagsmál – Hallkelshólar lóð 69 (L186617); umsókn um byggingarleyfi; sumarbústaður - viðbygging - (2106125).

1. Fundargerðir.

- a) **Fundargerð 15. fundar veitunefndar Grímsnes- og Grafningshrepps, 9. nóvember 2021.**

Fundargerðin lögð fram til kynningar.

- b) **Fundargerð 227. fundar Skipulagsnefndar Uppsveita, 10. nóvember 2021.**

Mál nr. 14, 15, 16, 17, 18, 19, 20 og 26 þarfnast staðfestingar sveitarstjórnar.

Lögð fram 227. fundargerð Skipulagsnefndar Uppsveita, dagsett 10. nóvember 2021. Eftirfarandi dagskrárlíðir þarfnast afgreiðslu sveitarstjórnar;

Mál nr. 14: Neðan-Sogsvegar 40 L169358 og 40b L194759; Sameining lóða; Deiliskipulagsbreyting - (2110096).

Lögð er fram umsókn frá HH eignum ehf. er varðar breytingu á deiliskipulagi Neðan-Sogsvegar 40 og 40b. Í breytingunni felst sameining lóða.

Sveitarstjórn samþykkir samhljóða viðkomandi breytingar á deiliskipulagi svæðisins. Mælt er til þess að samhljóða verði skilgreindur byggingarreitur á sameinaðri lóð.

Málið fái málsmeðferð á grundvelli 2. mgr. 43. gr. skipulagslaga nr. 123/2010 er varðar óverulega breytingu á deiliskipulagi og verði grenndarkynnt næstu nágörnum.

Mál nr. 15: Torfastaðir 1 L170828; Breytt landnotkun; Aðalskipulagsbreyting - (2003014).

Lögð er fram tillaga aðalskipulagsbreytingar vegna Torfastaða 1 L170828 í Grafningi eftir auglýsingu. Í tillögunni felst að landnotkun á um 25 ha svæði innan jarðar Torfastaða er breytt úr landbúnaðarlandi í frístundabyggð. Samhljóða er lögð fram fornleifauðttekt innan svæðisins til kynningar. Umsagnir bárust vegna málsins og eru þær lagðar fram við afgreiðslu þess. Sveitarstjórn samþykkir samhljóða breytingu á aðalskipulagi eftir auglýsingu. Engar athugasemdir bárust á auglýsingatíma skipulagsbreytingarinnar og telur sveitarstjórn að brugðist hafi verið við umsögnum með fullnægjandi hætti innan tillögunnar. Sveitarstjórn samþykkir samhljóða að óskað verði eftir því við Skipulagsstofnun að aðalskipulagsbreytingin taki gildi með birtingu auglýsingar í B-deild Stjórnartíðinda í samræmi við 3. mgr. 32. gr. skipulagslaga nr.123/2010.

Mál nr. 16: Írafoss L170986; Haugsetning jarðvegs; Framkvæmdarleyfi - (2111008).

Lögð er fram beiðni frá Landsvirkjun um framkvæmdaleyfi vegna haugsetningar á jarðvegi við Írafossvirkjun. Kominn er gróður í jarðveginn inni í tengivirkinu fyrir utan stöðvarhúsið við Írafossvirkjun. Þess vegna þarf að taka 10 cm lag ofan af jarðveginum og setja nýja mól í staðinn. Þetta er um 4.200 fermetra svæði. Verkefnið verður unnið í samráði við Landsnet þar sem eignarhaldið á tengivirkinu er á forræði Landsvirkjunar sem og Landsnets. Jarðvegurinn sem verður tekinn úr tengivirkinu verður svo haugsettur á jafnstórt svæði í dæld fyrir utan tengivirkið skv. meðfylgjandi korti. Umsækjandi vill frekar nota umframefni á staðnum til að minnka losun og rask vegna flutninga með efnið annað. Passað verður upp á að gengið verði vel frá öllu svæðinu, því lokað og haugsetning verði aðlöguð að landslagi. Einnig verður passað upp á alla olíunotkun sem og hugsanlegan leka frá tækjum.

Sveitarstjórn samþykkir samhljóða að ekki verði gerð athugasemd við útgáfu framkvæmdaleyfis á grundvelli 5. mgr. 13. gr. skipulagslaga nr. 123/2010. Þar sem engir aðrir hagsmunaaðilar eru innan svæðisins sem framkvæmdin tekur til en umsækjandi er ekki talin þörf á grenndarkynningu.

Mál nr. 17: Freyjustígur 5-7; Breytt lóðamörk; Göngustígur færður; Deiliskipulagsbreyting - (2111009).

Lögð er fram umsókn frá Landhönnun slf. um breytingu á deiliskipulagi að Freyjustíg 5-7 í landi Ásgarðs sem tekur til breyttra lóðarmarka og færslu á göngustíg.

Sveitarstjórn samþykkir samhljóða viðkomandi breytingar á deiliskipulagi svæðisins. Málið fái málsmeðferð á grundvelli 2. mgr. 43. gr. skipulagslaga nr. 123/2010 er varðar óverulega breytingu á deiliskipulagi.

Mál nr. 18: Borgarhóll L168437; Yndisskógur; Bílastæði; Framkvæmdarleyfi - (2109004).

Lögð er fram beiðni um framkvæmdarleyfi sem tekur til bílastæðis við Yndisskóg að Borgarhól L168437 við þéttbýlið í Borg í Grímsnesi eftir grenndarkynningu. Ein athugasemd barst vegna málsins og er hún lögð fram við afgreiðslu þess.

Sveitarstjórn gerir ekki athugasemdir við útgáfu framkvæmdaleyfis.

Mál nr. 19: Borg í Grímsnesi; Íbúðabyggð; Deiliskipulag - (2108030).

Lögð er fram tillaga að heildarendurskoðun deiliskipulags sem tekur til þéttbýlisins að Borg í Grímsnesi eftir auglýsingu. Á síðustu árum hefur atvinnutækifærum fjölgað í Grímsnes- og Grafningshreppi og er það forsenda fyrir áframhaldandi uppbyggingu þéttbýlisins á Borg. Mikil ásókn hefur verið í nýjar lóðir og með nýju deiliskipulagi áformar sveitarfélagið að mæta vaxandi eftirspurn eftir íbúðarlóðum með áherslu á fjölbreytni í íbúðastærðum og húsagerðum. Einnig verða unnar ýmsar lagfæringar á lóðamörkum, stígakerfi, byggingaskilmálum og fleiru vegna breyttra aðstæðna og nýrri og nákvæmari kortagagna. Umsagnir bárust á auglýsingatíma skipulagsins og eru þær lagaðar fram við afgreiðslu þess.

Sveitarstjórn samþykkir samhljóða framlagt deiliskipulag eftir auglýsingu. Helstu athugasemdir sem bárust vegna málsins eru gerðar innan umsagnar Minjastofnunar Íslands er varðar skráningu fornleifa innan skipulagssvæðisins. Sveitarstjórn bendir á að viðkomandi svæði hafi verið skilgreint sem íbúðarsvæði um margra ára skeið innan aðalskipulags og gildandi deiliskipulags. Á árunum 1999-2001 fór fram fornleifaskráning á svæðinu sem Minjastofnun telur ekki fullnægjandi. Sveitarstjórn telur að sökum þess að á svæðinu er nú þegar í gildi deiliskipulag sem tekur til framkvæmda á nákvæmlega sama svæði og nýtt deiliskipulag tekur til og sökum þess að áður hefur farið fram skoðun á svæðinu við gerð aðalskipulags og deiliskipulags innan þess að þá sé ekki ástæða til að hindra gildistöku skipulagsáætlunarinnar á grundvelli umsagnar Minjastofnunar Íslands. Sveitarstjórn vísar að auki til 2. mgr. 24. gr. laga um menningarminjar nr. 80/2012 þar sem m.a. fram kemur: "Ef fornminjar sem áður voru ókunnugar finnast við framkvæmdir verks skal sá sem fyrir því stendur stöðva framkvæmdir án tafar. Skal Minjastofnun Íslands láta framkvæma vettvangskonnnun umsvifalaust svo skera megi úr um eðli og umfang fundarins." Þessi skilyrði eiga við jafnt nú sem og eftir gildistöku nýs skipulags þar sem fyrir eru framkvæmdaheimildir innan svæðisins eins og fyrr segir. Sveitarstjórn samþykkir samhljóða að deiliskipulagið taki gildi með birtingu auglýsingar í B-deild Stjórnartíðinda að lokinni yfirferð Skipulagsstofnunar í samræmi við 42. gr. skipulagslaga nr. 123/2010.

Mál nr. 20: Endurskoðun aðalskipulags Grímsnes- og Grafningshrepps - (1506033).

Lögð er fram tillaga heildarendurskoðunar aðalskipulags Grímsnes- og Grafningshrepps ásamt fylgigögnum til samþykktar fyrir auglýsingu í samræmi við 30. og 31. gr. skipulagslaga nr. 123/2010.

Sveitarstjórn samþykkir samhljóða að framlögð tillaga endurskoðunar aðalskipulags Grímsnes- og Grafningshrepps verði samþykkt til auglýsingar. Tillagan verði send Skipulagsstofnun til athugunar í samræmi við 3. mgr. 30. gr. skipulagslaga nr. 123/2010. Sveitarstjórn samþykkir samhljóða að tillagan verði auglýst skv. 31. gr.

sömu laga að undangenginni samþykkt
Skipulagsstofnunar.

Mál nr. 26: Afgreiðslur byggingarfulltrúa – 21-152.

Lagðar fram til kynningar afgreiðslur byggingarfulltrúa frá
3. nóvember 2021.

- c) Fundargerð aðalfundar nefndar oddvita/sveitarstjóra í
yfirstjórn velferðarmála í Árnesþingi (NOS),
2. nóvember 2021.

Fundargerðin lögð fram til kynningar.

- d) Fundargerð fundar seyrustjórnar, 27. október 2021.
Mál nr. 2 og 3 þarfnast staðfestingar sveitarstjórnar.

Lögð fram fundargerð seyrustjórnar, dagsett 27. október
2021. Eftirfarandi liðir þarfnast staðfestingar
sveitarstjórnar;

Mál nr. 2: Gjaldskrá Seyrustaða 2022.

Lögð var fram tillaga að gjaldskrá Seyrustaða fyrir árið
2022. Gjaldskráin er gerð í nafni Hrunamannahrepps á
grundvelli fráveitusamþykktar Hrunamannahrepps og var
auglýst þannig fyrir þetta ár. Lagt er til að gera breytingar
á gjaldskrá þannig að móttökugjald og gjald fyrir
aukalosanir hækki um 3% á milli ára en að öðru leyti sé
gjaldskráin óbreytt.

Sveitarstjórn samþykkir samhljóða gjaldskrána.

Mál nr. 3: Fjárhagsáætlun 2022.

Lögð var fram fjárhagsáætlun fyrir árið 2022.

Sveitarstjórn samþykkir samhljóða fjárhagsáætlunina og
gert verður ráð fyrir henni í fjárhagsáætlun
sveitarfélagsins.

- e) Fundargerð 4. fundar um svæðisskipulag fyrir
Suðurland, 18. nóvember 2020.

Fundargerðin lögð fram til kynningar.

- f) Fundargerð 5. fundar um svæðisskipulag fyrir
Suðurland, 2. febrúar 2021.

Fundargerðin lögð fram til kynningar.

- g) Fundargerð 6. fundar um svæðisskipulag fyrir
Suðurland, 23. mars 2021.

Fundargerðin lögð fram til kynningar.

- h) Fundargerð 7. fundar um svæðisskipulag fyrir
Suðurland, 26. apríl 2021.

Fundargerðin lögð fram til kynningar.

- i) Fundargerð 8. fundar um svæðisskipulag fyrir
Suðurland, 30. apríl 2021.

Fundargerðin lögð fram til kynningar.

- j) Fundargerð 9. fundar um svæðisskipulag fyrir
Suðurland, 25. maí 2021.

Fundargerðin lögð fram til kynningar.

- k) Fundargerð 10. fundar um svæðisskipulag fyrir
Suðurland, 21. júní 2021.

Fundargerðin lögð fram til kynningar.

- l) Fundargerð 11. fundar um svæðisskipulag fyrir
Suðurland, 29. september 2021.

Fundargerðin lögð fram til kynningar.

- m) Fundargerð 12. fundar um svæðisskipulag fyrir
Suðurland, 27. október 2021.

Fundargerðin lögð fram til kynningar.

- n) Fundargerð 306. fundar stjórnar Sorpstöðvar
Suðurlands, 27. október 2021.

Fundargerðin lögð fram til kynningar.

- o) Fundargerð 573. fundar stjórnar SASS,
8. október 2021.

Fundargerðin lögð fram til kynningar.

- p) Fundargerð 902. fundar stjórnar Sambands íslenskra
sveitarfélaga, 29. október 2021.

Fundargerðin lögð fram til kynningar.

2. Staða fjárhagsáætlunar 2021.

Farið yfir stöðu bókhalds og borið saman við fjárhagsáætlun
ársins 2021 eftir fyrstu 10 mánuði ársins.

3. Brennu- og skoteldaleyfi 2021.

Fyrir liggur beiðni frá Hjálparsveitinni Tintron um brennu- og
skoteldaleyfi fyrir áramótabrennu og flugeldasýningu á Borg
þann 31. desember n.k.

Sveitarstjórn samþykkir samhljóða að veita brennu- og
skoteldaleyfi.

4. Skipulagsmál – 2107009 - Kringla 2 og 9; Kringlugil 1 og 2; Deiliskipulag.

Lögd er fram að nýju umsókn frá Ingibjörgu G. Geirsdóttur er varðar deiliskipulagningu tveggja lóða, Kringlugil 1 og 2, úr Kringlu 2 og 9. Í deiliskipulaginu felst skilgreining byggingarreita og byggingarheimilda fyrir íbúðarhús og útihús. Málinu var frestað á fundi sveitarstjórnar þann 18. ágúst 2021 og er nú tekið fyrir að nýju.

Sveitarstjórn samþykkir samhljóða fyrirliggjandi deiliskipulagstillögu til kynningar og umsagnar í samræmi við 40. gr. skipulagslaga 123/2010.

5. Tilboð í deiliskipulagsgerð fyrir nýtt athafnasvæði.

Fyrir liggur minnisblað frá Ragnari Guðmundssyni umsjónarmanni veitna og framkvæmda, dagsett 3. nóvember 2021, þar sem farið er yfir tilboð sem bárust í kjölfar verðkönnunar í gerð og umsjón deiliskipulags fyrir nýtt athafnasvæði við Sólheimaveg. Verðkönnunin var send á Eflu, Landhönnun og Landform. Tilboð Eflu hljóðaði upp á 1.665.000 kr., tilboð Landhönnunar hljóðaði upp á 2.652.000 kr. og tilboð Landforms hljóðaði upp á 3.682.800 kr. Sveitarstjórn samþykkir samhljóða að taka lægsta tilboði, frá Eflu. Sveitarstjóra / oddvita falið að skrifa undir samninginn.

6. Tilboð í hönnun skólalóðar og opinna svæða í þéttbýlinu Borg.

Fyrir liggur minnisblað frá Ragnari Guðmundssyni umsjónarmanni framkvæmda og veitna, dagsett 3. nóvember 2021, þar sem farið er yfir tilboð sem bárust í kjölfar verðkönnunar í landslagshönnun og skipulag á opnum svæðum á Borg. Verkið felst í forhönnun á svæðunum, gerð grunnteikninga af svæðum með efnisvali og kostnaðaráætlunar fyrir hvern áfanga. Verðkönnunin var send á Landhönnun, Landform og VA Arkitekt. Engin magnskrá var gefin heldur treyst á innsæi hönnuða við vinnuna og því er ekki verið að bera saman föst einingarverð og ekki verið að leggja mat á gæði afurða. Tilboð Landhönnunar hljóðaði upp á 6.800.000 kr., tilboð Landforms hljóðaði upp á 7.700.000 kr. og tilboð VA Arkitekt hljóðaði upp á 6.300.000 kr.

Sveitarstjórn samþykkir samhljóða að taka tilboði Landhönnunar. Sveitarstjóra / oddvita falið að skrifa undir samninginn.

7. Kæra nr. 163/2021 frá Úrskurðarnefnd umhverfis- og auðlindamála.

Fyrir liggur tilkynning um kæru nr. 163/2021 frá Úrskurðarnefnd umhverfis- og auðlindamála, þar sem kærd er sú ákvörðun sveitarstjórnar að samþykkja breytingu á deiliskipulagi nr. 1212/2021 vegna Neðan-Sogsvegar 4 (L169505).

Sveitarstjórn samþykkir samhljóða að fela skipulagsfulltrúa að svara kærinni í samráði við lögmann sveitarfélagsins.

8. Aðalfundur Bergrisans bs.

Fyrir liggur að aðalfundur Bergrisans bs. verður haldinn miðvikudaginn 24. nóvember n.k. í fjarfundarbúnaði. Fulltrúar sveitarfélagsins á fundinum verða Ása Valdís Árnadóttir og Ingibjörg Harðardóttir en Smári Bergmann Kolbeinsson og Björn Kristinn Pálmarsson til vara.

9. Hillrally á Íslandi 2022.

Fyrir liggur bréf frá Tryggva M. Þórðarsyni f.h. Hillrally á Íslandi 2022, dagsett 11. nóvember 2021, þar sem sótt er um leyfi sveitarfélagsins til að halda fyrrnefnda keppni á vegi sem undir sveitarfélagið fellur. Vegurinn sem um ræðir er svokallaður Eyfirðingavegur sem liggur sunnan Skjaldbreiðar, en keppnin verður haldin dagana 6. – 7. ágúst 2022.

Sveitarstjórn gerir ekki athugasemdir við að keppnin verði haldin á umræddum vegi. Minnt er á að huga þarf vel að merkingum vegna keppninnar og skilja við svæðið í sama ástandi og tekið var við því.

10. Ályktun bæjarráðs Árborgar um leikskólamál.

Fyrir liggur bréf frá Sambandi íslenskra sveitarfélaga, dagsett 2. nóvember 2021, þar sem kynnt er bókun Sambandsins um leikskólamál. Í bókuninni er tekið undir bókun bæjarráðs Árborgar þar sem lögd er til full viðurkenning ríkisvaldsins á leikskólastiginu sem menntastofnun með því að ríkisvaldið skilgreini sveitarfélögum tekjustofn til að standa straum af kostnaði við rekstur leikskóla frá lokum fæðingarorlofs. Sveitarstjórn tekur undir þá afstöðu sem fram kemur í ályktunum bæjarráðs Árborgar og stjórnar Sambands íslenskra sveitarfélaga.

11. Boð um þátttöku sveitarfélaga í námskeiðinu Loftslagsvernd í verki

Fyrir liggur bréf frá Sambandi íslenskra sveitarfélaga,

dagsett 2. nóvember 2021, þar sem kynnt er að kjörnum fulltrúum og starfsmönnum sveitarfélaga sé boðin þátttaka í námskeiðinu „Loftlagsvernd í verki“ á vegum Landverndar. Þátttaka í upphafi verður sveitarfélögunum gjaldfrjáls, en gjaldskráin endurskoðuð síðar meir ef framvinda námskeiðsins gengur vel.

Bréfið lagt fram til kynningar.

12. Innleiðing hringrásarhagkerfisins.

Fyrir liggur bréf frá Sambandi íslenskra sveitarfélaga, dagsett 2. nóvember 2021, þar sem farið er yfir þau verkefni sem framundan eru við innleiðingu hringrásarhagkerfis. Jafnframt er kynnt að Sambandið hafi gert samning við VSÓ Ráðgjöf um gerð handbókar um úrgangsstjórnun sveitarfélaga, ásamt því að gerður hafi verið samningur við Eflu verkfræðistofu um leiðir til að innleiða svonefnda „Borgaðu þegar þú hendir“ aðferðafræði við gjalddöku í málaflokknum.

Bréfið lagt fram til kynningar.

13. Alþjóðlegur minningardagur Sameinuðu þjóðanna um fórnarlömb umferðarslysa.

Fyrir liggur bréf frá Sigurði Inga Jóhannssyni samgöngu- og sveitarstjórnarráðherra, dagsett 29. október 2021, þar sem tilkynnt er að alþjóðlegur minningardagur Sameinuðu þjóðanna um fórnarlömb umferðarslysa verði haldinn hátíðlegur hér á landi sunnudaginn 21. nóvember n.k.

Bréfið lagt fram til kynningar.

14. Beiðni um styrk frá Sjóðnum góða.

Fyrir liggur bréf frá starfshópi Sjóðsins góða dags. 9. nóvember 2021, þar sem óskað er eftir fjárframlagi frá sveitarfélaginu í sjóðinn. Tilgangur Sjóðsins góða er að veita þeim sem ekki eiga fyrir nauðpurftum aðstoð fyrir jólahátíðina.

Sveitarstjórn samþykkir samhljóða að styrkja Sjóðinn góða um 500 kr. á hvern íbúa og eru íbúar sveitarfélagsins 500 talsins, samtals 250.000 kr.

15. Beiðni um framlag til starfsemi Stígamóta.

Fyrir liggur bréf frá Steinunni Gyðu- og Guðjónsdóttur talskonu Stígamóta, dags. 3. nóvember 2021, þar sem óskað er eftir fjárstyrk til reksturs samtakanna á árinu 2022. Sveitarstjórn hafnar erindinu samhljóða.

16. Erindi frá Sigurhæðum, átak gegn kynbundnu ofbeldi.

Fyrir liggur bréf frá Hildi Jónsdóttur verkefnisstjóra Sigurhæða og Jónu Ingvarsdóttur formanni Soroptimistaklúbbs Suðurlands, dagsett 8. nóvember 2021, þar sem kynnt er að hinn 25. nóvember n.k. hefjist árlegt alþjóðlegt sextán daga átak gegn kynbundnu ofbeldi. Haldinn verður opinn fundur í Tryggvaskála á Selfossi þann dag um átakið og Sigurhæðir. Átakið í ár er helgað stafrænu ofbeldi og litur átaksins er appelsínugulur. Af því tilefni eru sveitarfélög hvött til þess að flagga appelsínugulum fána meðan á atakinu stendur.

Bréfið lagt fram til kynningar.

17. Samgöngu- og sveitarstjórnarráðuneytið kynnir til samráðs mál nr. 212/2021, „Drög að reglugerð um breytingu á reglugerð um skráningu einstaklinga“.

Fyrir liggur að Samgöngu- og sveitarstjórnarráðuneytið kynnir til samráðs mál nr. 212/2021, „Drög að reglugerð um breytingu á reglugerð um skráningu einstaklinga“.

Lagt fram til kynningar.

18. Önnur mál.

Skipulagsmál – Hallkelshólar lóð 69 (L186617); umsókn um byggingarleyfi; sumarbústaður - viðbygging - (2106125).

Lögd er fram beiðni Arnars A. Gunnþórssonar og Þórhildar E. Sigurðardóttur, móttækin 15. júní 2021, um byggingarleyfi til að byggja 95 m² við núverandi sumarhús í Hallkelshólum lóð 69 L186617, Grímsnes- og Grafningshreppi eftir grenndarkynningu. Heildarstærð á sumarhúsi eftir stækkun verður 165 m². Málið var grenndarkynnt frá 14. september til og með 19. október, engar athugasemdir bárust á kynningartíma málsins. Umsækjandi hefur óskað eftir því að sveitarstjórn falli frá fyrri bókun er varðar kröfu um staðfest lóðarblað fyrir lóðina. Innan grenndarkynningar var lögð fram málsett afstöðumynd af staðsetningu hússins á lóð og bárust engar athugasemdir frá lóðarhöfum aðliggjandi lóða eða landeiganda upprunals. Umsækjandi bendir á að gefin hafi verið út byggingarleyfi innan saman svæðis án þess að staðfest hnitsett lóðarblað liggi fyrir.


Sveitarstjórn gerir ekki athugasemd við útgáfu byggingarleyfis að lokinni grenndarkynningu þar sem engar athugasemdir bárust við staðsetningu viðbyggingar á afstöðumynd. Byggingarfulltrúa falið að ljúka málinu. Sveitarstjórn beinir því þó til lóðarhafa að vinna að hnitsetningu lóðar á grundvelli fyrrgreindra gagna í samráði við skipulagsfulltrúa en telur ekki ástæðu til að hafna eða tefja útgáfu byggingarleyfis sökum þess.



Nú þegar líður að jólum og áramótum er vert að minna á ferfætlingana. Þeir eru ekki allir jafn hrifnir af áramótunum og mannfólkið.

Girðingar þurfa að vera í lagi svo búpeningur sé ekki á vegunum og valdi ekki slysum í myrkrinu. Huga ber að því að þau dýr sem ekki eru tekin á hús hafi aðgang að góðu skjóli og nægt fóður.

Munið einnig að öllum ber skylda til að láta vita ef grunur leikur á að eitthvert dýr hafi það ekki gott.



Skötuveisla !

Kæru sveitungar !

**Lionsklúbburinn Skjaldbreiður
verður með skötuveislu á
Þorláksmessudag í
Félagsheimilinu Borg kl. 11:30 – 14:00**

**Skata og saltfiskur ásamt
tilheyrandi meðlæti.**

**Vekið bragðlaukana fyrir jólin
og mætið í skötuna.**



Lionsklúbburinn SKJALDBREIÐUR

Gleðileg jól !

Jólaball

Hið árlega jólaball foreldrafélags
Kerhólsskóla verður haldið
föstudaginn 17. desember
í Félagsheimilinu Borg.
Skólinn heldur tónfund kl. 13:00
ballið sjálft byrjar kl. 13:20



Eins og staðan í þjóðfélaginu er núna
getum við ekki boðið foreldrum á
jólaballið og munu skólabílar keyra
nemendur heim kl. 14:15, frístund
verður opin fyrir þá nemendur sem
þar eru skráðir.



*Blóm og krydd
& nýjar
kryddafurðir
fyrir jólin!*




**Amarillis, Hyasintur,
Túlípanar**



**-KRYDDJURTIR
-KRYDDSMJÖR
-KRYDDOLÍA
-PESTÓ**

Opið alla virka
daga
frá 10-16




Gleðileg jól !

Aðventudagatal

Grímsnes- og Grafningshrepps

Desember



5. - Aðventumessa í Stóruborgarkirkju

9. - Kvöldopnun á bókasafninu (tilvalið að ná sér í jólabækur)

16. - Jólaæfing ungmennafélagsins

17. - Jólabball Kerhólsskóla

19. - Aðventumessa í Búrfellskirkju

23. - Skötuveisla Lionsklúbbsins Skjaldbreiðar á Borg

24. - Aftansöngur í Sólheimakirkju

24. - Jólasveinar á ferli

26. - Hátíðarguðhjónusta í Úlfjótssvatnskirkju

26. - Hátíðarguðhjónusta í Mosfellskirkju

31. - Áramótabrenna og flugeldasýning Tinttron

31. - Aftansöngur í Sólheimakirkju

Athugið að vegna Covid gilda fjöldatakmarkanir um viðburði og þeir geta fallið niður með stuttum fyrirvara.



Við viljum þakka öllum sem hafa glaðst með okkur eða lagt okkur lið í því sem við höfum tekið okkur

fyrir hendur síðastliðinn mánuð.

Grímuballið sem var haldið þann 29. október tókst einstaklega vel. Skreytingar unglinganna í Kerhólsskóla og ljós leikfélagsins hjálpuðu til við að skapa frábæra stemmingu. Myndakassinn sem Glansmyndir settu upp og lánuðu okkur endurgjaldslaust sá svo um að fanga stemminguna og gleðina sem skein af „hræðilegum“ ballgestum.



Kristin Carol Chadwick, en *Sjóðurinn góði* var henni sérstaklega hugleikinn.

Tilraun okkar með jólabílabingó þann 21. nóvember tókst vonum framfar og gaman var að sjá hversu margir voru tilbúnir til þess að prófa eitthvað nýtt og styrkja um leið gott málefni. Alls söfnuðust 106.500 kr. sem renna munu til *Sjóðsins góða* auk framlags frá kvenfélaginu sem gerir upphæðina að 200.000 kr. Féð verður afhent í minningu kærrar félagskonu,

Frh.

Við kunnum styrktaraðilum bestu þakkir fyrir stuðninginn. Þeir voru: Hótel Selfoss, Húsasmiðjan, Ísam, Jarðhitasýningar ON, Lindex, Menam, Ó. Johnson og Kaaber, Pasta Romano/El Gordito, Pylsuvagninn og Skrifstofuvörur.



Ragna Björnsdóttir
Formaður Kvenfélags
Grímsneshrepps



Heimsmarkmið sameinuðu þjóðanna

Grímsnes- og Grafningshreppur hefur hafið vinnu við innleiðingu heimsmarkmiða sameinuðu þjóðanna um sjálfbæra þróun. Vinnan hófst með því að Björn Pálmarsson fulltrúi sveitarstjórnar og Guðrún Ása Kristleifsdóttir starfsmaður sveitarfélagsins tóku þátt í vinnustofu á vegum sambands íslenskra sveitarfélaga þar sem verkefnið var kynnt ásamt mögulegum leiðum til að nálgast það. Í framhaldinu mun nú fara af stað vinna við að innleiða markmiðin í starf sveitarfélagsins okkar.

Heimsmarkmiðin voru samþykkt af fulltrúum allra aðildarríkja Sameinuðu þjóðanna í september 2015. Þau eru 17 talsins með 169 undirmarkmiðum og gilda á tímabilinu 2016-2030.

Nánar má lesa um heimsmarkmiðin á heimsíðu heimsmarkmiðanna: heimsmarkmidin.is



Að gefnu tilefni !

*Eigendur hunda eru ábyrgir fyrir því að
þrifa upp eftir hundana sína, á það jafnt
við á opnum svæðum sem og á
gangstéttum og götum.*



Sveitarstjóri

Hundaeigendur athugið

Samkvæmt samþykkt um hundahald í Grímsnes- og Grafningshreppi, nr. 60/2012 eiga allir hundar í sveitarfélaginu að vera skráðir á skrifstofu sveitarfélagsins og jafnframt eiga þeir að vera örmerktir, ormahreinsaðir og bólusettir.

Af gefnu tilefni vil ég minna hundaeigendur á að **lausaganga hunda í sveitarfélaginu er bönnuð** skv. sömu samþykkt og er handsömunargjald kr. 10.000,- í hvert skipti skv. gjaldskrá um hundahald í Grímsnes- og Grafningshreppi, nr. 141/2012.

Samþykktina og gjaldskrána er hægt að lesa inn á heimasíðu sveitarfélagsins www.gogg.is

Kristján E. Jónsson, er hundafangari fyrir sveitarfélagið og er fólk vinsamlegast beðið að snúa sér til hans ef vart verður við lausagöngu hunda.

Síminn hjá Kristjáni er 863-7149

Íbúar í dreyfbýli



Slökkvitækjaþjónusta Suðurlands ehf

(SÞS) er í eigu aðildarsveitarfélaga Brunavarna Árnassýslu.

Aðsetur SÞS er í Björgunarmiðstöðinni á Selfossi.

SÞS þjónustar lögbýli í sveitarfélögum BÁ líkt og BÁ hefur gert frá upphafi. Sú þjónusta felst í að íbúar í dreifbýli Árnassýslu koma með slökkvitækin til SÞS þar sem starfsmaður skiptir þeim út og afhendir rafhlöður í reykskynjara þeim að kostnaðarlausu.

SÞS sinnir einnig almennri þjónustu og sölu er snertir eldvarnarbúnað á heimilum, fyrirtækjum og stofnunum.

Hægt er að koma með slökkvitæki til yfirferðar hjá SÞS og fá keypt slökkvitæki og reykskynjara alla virka daga frá kl. 8-16 Sími 4800-900

Vissir þú að....

- a.m.k. eitt slökkvitæki á að vera á hverju heimili?
- slökkvitæki skulu staðsett í flóttaleiðum og sem næst útgöngum?
- í öllum breyttum bifreiðum og í húsbílum á að vera slökkvitæki?
- árlega þarf viðurkenndur aðili að yfirfara slökkvitækið?
- íslenskar leiðbeiningar eiga að vera á öllum slökkvitækjum?
- algengustu slökkvitæki á heimilum eru dufttæki og léttvatnstæki?
- reykskynjara þarf að hreinsa vegna ryksöfnunar?
- góð regla er að skipta um rafhlöður í reykskynjurum árlega, t.d. alltaf í desember?
- nauðsynlegt er að prófa reykskynjara reglulega til að vita hvort allt sé í lagi?

Opnunartímar á Bókasafni Grímsnes- og Grafningshrepps í desember



Mán. – 8:15 til 12:00 og 15:30 til 16:30
Þri. – 10:45 til 12:00 og 15:30 til 16:30
Fim. – 12:30 til 13:30 og 15:30 til 16:30

Kvöldopnun:

Fim. 9. des. frá 19:30 til 21:30
Fim. 16. des. frá 19:30 til 21:30

*Jólabækurnar fyrir börnin eru að byrja
að tínast í hús og fullorðinsbækur
væntanlegar í annarri viku desember.*

Lokað verður frá 17. desember 2021.
Opnað aftur 3. janúar 2022.

Þorrablót 2022

Voruð þið nokkuð búin að gleyma því,
Þorrablót 2022 verður haldið í
Félagsheimilinu Borg föstudaginn
28. janúar 2022, **ef staðan í þjóðfélaginu leyfir**
Í byrjun janúar koma fleiri upplýsingar svo takið
daginn frá og búum okkur undir skemmtilega
kvöldstund í góðra vina hópi.
18 ára aldurstakmark.

Bestu kveðjur
Þorrablótnefndin.



Tökum að okkur
STÓR og smá verk:

jarðvinnu - tætingu -
snjómokstur -
bílaflutninga,
jarðheflun &
fólksflutninga.

Gleðileg jól !

Jóhannes og Guðmundur

Gsm: 848 - 1123 & 868 - 4115

Email: verktaki89@gmail.com

Facebook: Jarðvinnuverktaki Feðgaverk



Vetraropnun

Vetraropnunartími gámastöðvarinnar
Seyðishólum frá 1. september til 30. apríl

Mánudaga	Þriðjudaga	Miðvikudaga	Fimmtudaga	Föstudaga	Laugardaga	Sunnudaga
Lokað	13-15	Lokað	13-15	Lokað	13-16	Lokað

Athugið að ofangreindur opnunartími breytist við stórhátíðir.

Lokað er á gámastöðinni eftirtalda daga: Nýársdag – Föstudaginn langa –
Páskadag – Frídag verkamanna 1. maí – Hvítasunnudag – 17. Júní –
Þorláksmessu – Aðfangadag jóla – Jóladað – Annan í jólum og Gamlársdag.

**OPIÐ ER FYRIR LOSUN HEIMILISSORPS
ALLAN SÓLARHRINGINN**



Íþróttamiðstöðin Borg Vetraropnun

Mánudaga - fimmtudaga kl. 14-22

Föstudaga **LOKAÐ**

Laugardaga – Sunnudaga kl. 10 -18

Hætt er að hleypa ofan í laugina
20 mínútum fyrir lokun.



Gleðileg jól !

Um hátíðarnar.

Lokað verður á Þorláksmessu,
Aðfangadag, Jóladag og
Annan í Jólum.

Einnig Gamlársdag og Nýársdag.
Aðra daga er opið eins og
vetraropnun segir til um.

Heimasíða: www.gogg.is
Netfang: sundlaug@gogg.is
Sími 480 - 5530



*Áramótabrenna og flugeldasýning
verður við golfvöllinn á Borg 31. des.*

Kveikt verður í brennu kl. 20:30

Flugeldasala hjálparveitarinnar Tintrons verður
eins og vanalega á Austurvegi 23 Selfossi.

Styrkjum Björgunarsveitirnar.



**Þökkum stuðninginn
og sendum
bestu óskir um
Gleðileg jól !**



Styrktarreikningur sveitarinnar er
0586-26-456 kt. 490487-1319





Blak á Borg



Síðan í haust hafa verið blakæfingar fyrir fullorðna á Borg og við viljum gjarnan fá fleiri með okkur. Allir velkomnir, byrjendur og lengra komnir. Æfingartíminn er fimmtudagar kl. 17:30. Hlökkum til að sjá sem flesta.



Vetrarropnunartími:

Mánudaga:	09:30- 17:30
Þriðjudaga:	09:30- 17:30
Miðvikudaga:	09:30- 17:30
Fimmtudaga:	09:30- 17:30
Föstudaga:	09:30- 17:30
Laugardaga:	11:00 -17:30
Sunnudaga:	12:00 -16:00

Opnunartíminn yfir hátíðirnar er:

Þorláksmessa 9:30 - 19:00

24. desember LOKAÐ

25. desember LOKAÐ

26. desember 12:00 - 16:00

31. desember OPIÐ 09.30-16:00

1. jan. LOKAÐ

2. jan. Lokað vegna vörutalningar



Viðskiptavinum verslunarinnar sendum við óskir um gleðileg jól og farsælt nýtt ár, með kærum þökkum fyrir viðskiptin á árinu sem er að líða.

Tilboð eru auglýst á facebooksíðu verslunarinnar

www.facebook.com/VersluninMinniBorg

Sími: 551-7509

Gleðileg jól !

Saumakompan

TEK AÐ MÉR MARGSKONAR EINFALDAN SAUMASKAP

Elsa Jónsdóttir

Sími 864-4642

Gleðileg jól !

Vilt þú gerast stuðningsfjölskylda?

Skóla og velferðarþjónusta Árnesþings óskar eftir stuðningsfjölskyldum.

Hlutverk stuðningsfjölskyldu er að taka barn eða börn tímabundið í umsjá sína í þeim tilgangi að létta álagi af fjölskyldu þeirra.

Stuðningsfjölskylda léttir ekki einungis álagi af fjölskyldum heldur gefur það barninu möguleika á aukinni félagslegri þátttöku.

Um er að ræða 2-4 sólarhringa í mánuði og er gerður samningur þar um.

Umsóknar eyðublað má finna á heimasíðu Skóla- og velferðarþjónustu Árnesþings

www.arnething.is.

Frekari upplýsingar veitir Edda Sigurjónsdóttir, félagsráðgjafi, í síma 480-1180 eða á netfanginu edda@laugaras.is

Dagatal jólasveinanna

Fylgstu með á Facebook og jolamjolk.is

12. desember  Stekkjastaur	13. desember  Giljagaur	14. desember  Stúfur	15. desember  Þvörusleikir
16. desember  Pottaskefill	17. desember  Askasleikir	18. desember  Hurðaskellir	19. desember  Skyrgámur
20. desember  Bjúgnakrækir	21. desember  Gluggagægir	22. desember  Gáttapefur	23. desember  Ketkrókur
24. desember  Kertasníkir	Glæsilegt jólk		

Ritstjóri Hvatarblaðsins er Linda Sverrisdóttir.
 Ábyrgðarmaður: Ingibjörg Harðardóttir.
 Efni í blaðið þarf að berast fyrir 28. hvers mánaðar á eftirfarandi netföng: linda@gogg.is eða gogg@gogg.is